



Supported by:



Federal Ministry  
for the Environment, Nature Conservation  
and Nuclear Safety

based on a decision of the German Bundestag



## PROCJENA STANJA PRIRODE I UPRAVLJANJA PRIRODNIM RESURSIMA U BOSNI I HERCEGOVINI

### DRUGI POZIV ZA UČEŠĆE U MULTIDISCIPLINARNOM AUTORSKOM TIMU I POZIV ZA RECENZENTE

Projekat *Procjena stanja prirode i upravljanja prirodnim resursima u Bosni i Hercegovini* (PSP BiH) otvara **Drugi poziv za sve zainteresirane eksperte za učešće i rad u Multidisciplinarnom autorskom timu.**

Prema opšteprihvaćenom javnom mišljenju, stanje prirode i prirodnih resursa u Bosni i Hercegovini nije zadovoljavajuće. Tekućim projektom i dokumentom Procjene će se objediniti i usaglasiti postojeće naučne i tehničke činjenice o stanju i vrijednostima prirode i prirodnih resursa, o društvenim i razvojnim pritiscima na iste, te o postojećim i poželjnim opcijama upravljanja.

Cilj Procjene je uspostava jedinstvene osnove za informisano donošenje onih odluka koje imaju uticaja na stanje prirode i prirodnih resursa, a time i na kvalitet življenja u Bosni i Hercegovini.

*Nakon godinu dana organizovanog zajedničkog rada, izabrani Multidisciplinarni autorski tim je pripremio Prvi nacrt Procjene stanja prirode i upravljanja prirodnim resursima u Bosni i Hercegovini (PSP BiH). Prvi nacrt Procjene trenutno sadrži preko 900 strana teksta, koje predstavljaju veoma dobru osnovu za dalji rad na istoimenom dokumentu i iznalaženje argumentiranih odgovora na postavljena Ključna pitanja.*

Iz široke baze znanja o stanju i trendovima u prirodi, kao i znanja o opcijama upravljanja, po završetku Procjene će se, za donosiocce odluka i druge interesne strane, ekstrahovati **glavne poruke i Sažetak Procjene.**

Temeljna priprema *Procjene* zahtijeva učešće i zajednički rad velikog broja domaćih eksperata iz različitih naučnih i stručnih oblasti. U cilju postizanja što potpunije procjene znanja relevantnih za informisano donošenje odluka, **pozivamo Vas da se priključite Multidisciplinarnom**

**autorskom timu Procjene i na taj način pružite podršku pozitivnim promjenama u očuvanju i održivom upravljanju prirodom u Bosni i Hercegovini.**

Projekat traje do 2023. godine. Druge relevantne podatke o projektu, kao i **Koncept Procjene**, možete naći na [www.procjenaprirode.ba](http://www.procjenaprirode.ba), Facebook stranici projekta i direktno, upitom na kontakt adrese.

Projekat se implementira prema metodologiji svjetske Međuvladine naučno-političke platforme za biodiverzitet i ekosistemske servise (IPBES). Svaka IPBES procjena se sastoji iz šest poglavlja, koja pripremaju eksperti različitih profila.

U narednoj tabeli je predstavljen kratak sadržaj šest poglavlja Procjene i traženi profil eksperata.

SADRŽAJ POGLAVLJA		EKSPERTNA OBLAST
1	Uvod: Kontekst procjene	<ul style="list-style-type: none"><li>• Oblasti prirodnih i društvenih nauka</li></ul>
2	Vrijednosti prirode, prirodnih resursa i drugih koristi od prirode u kontekstu kvaliteta življenja u Bosni i Hercegovini	<ul style="list-style-type: none"><li>• Oblasti društvenih, humanističkih, medicinskih, prirodno-matematičkih, biotehničkih i tehničkih nauka i umjetnosti.</li><li>• Tradicionalna (narodna) znanja</li></ul>
3	Status i trendovi biodiverziteta Bosne i Hercegovine na nivou gena, vrsta i ekosistema	<ul style="list-style-type: none"><li>• Oblasti prirodnih nauka</li></ul>
4	Društveni (indirektni) i razvojni (direktni) pritisci na prirodu	<ul style="list-style-type: none"><li>• Oblasti društvenih i prirodnih nauka</li><li>• Stručna znanja praktičara u nevladinom sektoru</li></ul>
5	Trendovi interakcije prirode i društva u Bosni i Hercegovini; scenariji stanja prirode	<ul style="list-style-type: none"><li>• Oblasti društvenih, humanističkih, medicinskih, prirodno-matematičkih, biotehničkih i tehničkih nauka i umjetnosti.</li><li>• Tradicionalna (narodna) znanja</li></ul>
6	Opcije upravljanja prirodom i prirodnim resursima u Bosni i Hercegovini	<ul style="list-style-type: none"><li>• Oblasti društvenih, humanističkih, medicinskih, prirodno-matematičkih, biotehničkih i tehničkih nauka i umjetnosti.</li><li>• Stručna znanja praktičara i donosilaca odluka</li></ul>

Ohrabrujemo eksperte različitih profila da se prijave na Drugi poziv, jer autorskim učešćem u Procjeni:

1. postajete dio multidisciplinarnog tima Bosne i Hercegovine koji po prvi put razmatra integralnu procjenu stanja prirode i održivog upravljanja prirodnim resursima u kontekstu interakcije naučnih rezultata i politika upravljanja,
2. stičete valjane kompetencije i uslove za nominaciju u autorske timove IPBES-a (Međuvladine UN naučno-političke platforme za biodiverzitet i ekosistemske servise), kao ekspert iz oblasti društvenih, prirodnih i drugih navedenih nauka,
3. stičete mogućnost da, zajedno sa drugim članovima tima, a na temelju stečenih znanja i iskustava objavljujete radove u domaćim i stručnim naučnim časopisima,
4. učestvujete na petodnevnom autorskom sastanku (plaćeni troškovi učešća).

**Također pozivamo zainteresirane stručnjake da se prijave za poziciju recenzenta za pojedina poglavlja Procjene. Zadatak recenzenta je da, uz aktivnu saradnju sa koordinatorima poglavlja, doprinese jasnom i fokusiranom sadržaju određenog poglavlja i odgovoru na relevantno Ključno pitanje postavljeno u Konceptu Procjene.**

U prijavi za učešće u Multidisciplinarnom autorskom timu, kao i u prijavi za poziciju recenzenta pojedinih poglavlja Procjene, potrebno je dostaviti: (1) **Curriculum Vitae** (2) **bibliografiju** i (3) **listu realizovanih projekata**.

Poziv za autorski tim i recenzente poglavlja ostaje otvoren do 01. oktobra 2021. godine.. Svi prijavljeni eksperti će putem e-maila biti obaviješteni o rezultatima prijave i daljem procesu implementacije projekta.

Ljubazno vas pozivamo da svoju prijavu za učešće u multidisciplinarnom ekspertnom timu pošaljete na sljedeće adrese: [kontakt@procjenapriode.ba](mailto:kontakt@procjenapriode.ba), [pspbih19@gmail.com](mailto:pspbih19@gmail.com) i/ili [sebarudanovic@gmail.com](mailto:sebarudanovic@gmail.com).

U očekivanju Vaše prijave, želimo Vam dobrodošlicu u Multidisciplinarni autorski tim.

PSP koordinator  
Prof. dr. Senka Barudanović

Univerzitet u Sarajevu  
Prirodno-matematički fakultet  
Centar za ekologiju i prirodne resurse „Akademik Sulejman Redžić“